



Número de expediente: 2023/SUBDIREC/000013

ASUNTO: SUBVENCIÓN DIRECTA PARA PROMOVER O DEPORTE FEDERADO MEDIANTE O DESENVOLVEMENTO DA ACTIVIDADE PROPIA DE ENTIDADES DEPORTIVAS DO CONCELLO DE PONTEVEDRA SEN ÁNIMO DE LUCRO QUE DESENVOLVEN A SUA ACTIVIDADE NAS MODALIDADES DEPORTIVAS DE NATACIÓN, SALVAMENTO ACUÁTICO E SOCORRISMO E TRIÁTLON, E PROMOVER A ORGANIZACIÓN DE EVENTOS DEPORTIVOS NACIONAIS E/OU INTERNACIONAIS

RESOLUCIÓN APROBACIÓN SUBVENCIÓN

Examinado o expediente tramitado para conceder a subvención directa que se sinala no asunto, resultan acreditados os seguintes:

ANTECEDENTES DE FEITO

- 1.- A vista da situación do Complexo Deportivo “Rías do Sur” a alcaldía e a Concellería de deportes encargan ao xefe de servizo de deportes estudar as posibilidades de colaboración do Concello de Pontevedra coa Fundación náutico deportiva Rías do Sur como entidade titular do complexo deportivo.
- 2.- O xefe de servizo de deportes emite informe de data 17.04.23 no que sinala como formula de colaboración a tramitación dunha subvención directa coa Fundación náutico deportiva Rías do Sur. Como anexos do informe figuran o estudo económico para a valoración da colaboración económica do Concello, a proposta de convenio de colaboración coa entidade subvencionada e a proposta de ficha da subvención para a incorporación ao plan estratéxico de subvencións.
- 3.- Consta no expediente informe da Asesoría Xurídica Municipal de data 24.05.23.
- 4.- Incorpórase ao expediente, ao resultados do sinalado no informe da asesoría xurídica, a acreditación da personalidade xurídica da entidade beneficiaria e demais documentación requirida polo artigo 12 da Ordenanza xeral de subvencións do Concello de Pontevedra.
- 5.- Con data 26.06.23 incorpórase ao expediente nova proposta de convenio colaboración regulador da subvención (CSV FX2U82QV8K2LT1JM) no que se incorporan as modificacións propostas no informe da Asesoría xurídica.
- 6.- A Fundación náutico deportiva Rías do Sur achega declaración responsable na que manifesta a conformidade coa proposta de convenio regulador achegada polo Concello de Pontevedra.
- 7.- Con data 30.08.23 a Fundación náutico deportiva Rías do Sur achega, segundo o requirido polo informe da asesoría xurídica, orzamento de gastos e ingresos aos efectos do previsto no artigo 12.3 da Ordenanza Xeral de Subvencións do Concello de Pontevedra.
- 8.- Incorpórase ao expediente informe proposta da dirección do servizo de deportes de data 04.09.2023.
- 9.- A Intervención Xeral, con data 23.10.2023, emitiu informe de fiscalización previa limitada de conformidade co disposto no artigo 214 do Real decreto legislativo 2/2004, de 5 de marzo que aproba o texto refundido da lei reguladora das facendas locais (TRLRFL), así como no artigo 58 do Regulamento orgánico do goberno e da administración do Concello de Pontevedra, e Real Decreto 424/2017, de 28 de abril, polo que se regula o réxime xurídico do control interno nas entidades do Sector Público Local.





10.- Incorpóranse ao expediente un informe do servizo de deportes sobre as modificacións incluídas na proposta de convenio regulador da subvención inicial derivadas do informe da asesoría xurídica, un informe da dirección do servizo de deportes sobre o informe de fiscalización previa limitada da intervención xeral municipal e nova proposta de convenio regulador da subvención onde se recollen as modificacións derivadas do informe da intervención xeral municipal.

11.- A dirección do servizo de deportes emite informe proposta para aprobación da subvención con data 24.10.23.

CONSIDERACIÓNS XURÍDICAS:

1.- O artigo 25.1 da Lei 7/1985, de 2 de abril, reguladora das bases de réxime local establece que o municipio, exercerá en todo caso competencias propias, nos termos da lexislación do Estado e das Comunidades Autónomas, na materia obxecto da subvención, o que xustifica a utilidade pública e interese social na concesión da axuda.

2.- O artigo 3 da Ordenanza xeral de subvencións do Concello de Pontevedra dispón que son subvencións as disposicións dinerarias realizadas polo concello para o desenvolvemento de proxectos, accións ou condutas que teñan por obxecto o fomento dunha actividade de titularidade pública ou interese social ou de promoción dunha finalidade pública.

3.- O artigo 22.2 da Lei 38/2003, xeral de subvencións, establece que poderán concederse subvencións de forma directa cando estas estivesen previstas nominativamente nos orzamentos dos entes públicos.

4.- A Fundación náutico deportiva Rías do Sur acredita no expediente que está ao corrente no cumprimento das súas obrigas coa Facenda Municipal, coa ATRIGA, coa AEAT, e coa TXSS, e figura no expediente a documentación xustificativa destes extremos. Ademais, segundo os datos dos que dispón o Servizo a entidade no se atopa incurso en ningunha das circunstancias establecidas no artigo 13.2. da LXS, e cumpre coas bases que regulan este procedemento, co Regulamento Municipal de Subvencións e coa a Lei Xeral de Subvencións.

5.- O fomento da actividade física e deportiva que se desenvolve na lámina de auga do Complexo Deportivo Rías do Sur atende a un grande interese público, en tanto e canto se trata dunha actividade declarada esencial e social xa que do funcionamento da lámina de auga, dependen dun xeito directo a totalidade das entidades deportivas sen ánimo de lucro do municipio que desenvolven a súa actividade nas modalidades deportivas de natación, salvamento acuático e socorrismo, e triatlón. Asemade é de grande interese económico o funcionamento dos vasos de natación do Complexo Deportivo Rías do Sur para o municipio e a súa comarca, xa que sin ela non se poden desenvolver competición deportivas de ámbito nacional e internacional que supoñen un gran impacto económico, consideracións que xustifican a excepcionalidade esixida pola Ordenanza de subvencións do Concello en canto á porcentaxe da subvención a outorgar, propoñéndose que esta poida alcanzar ata o 100% do custe da actividade.

6.- A competencia para a concesión de subvención directa co carácter de nominativa corresponde á Alcaldía, en función do establecido no artigo 36.3 da Ordenanza xeral de subvencións, no artigo 124.4.n) da Lei 7/1985 e no artigo 13.2.n) do Regulamento orgánico do goberno e da administración municipal. A dita competencia delegouse por decreto da Alcaldía de data 17.06.2023 nos/as concelleiros/as de goberno delegados de área segundo o seu ámbito funcional, en concreto no caso que nos ocupa, na Concelleira da área de promoción da igualdade, do benestar, da saúde e da economía.

Consonte cos fundamentos xurídicos expostos, unha vez informada a existencia de crédito pola Oficina de xestión presupuestaria e contabilidade e informado o expediente de conformidade pola Intervención Xeral municipal,

ACORDA:

Primeiro: Aprobar a concesión da subvención directa prevista nominativamente nos orzamentos municipais para o ano 2023 por importe máximo de 200.000,00 € en favor da Fundación náutico deportiva Rías do Sur, co NIF G36386100, para promover o deporte federado mediante o





desenvolvemento da actividade propia de entidades deportivas do Concello de Pontevedra sen ánimo de lucro que desenvolven a súa actividade nas modalidades deportivas de natación, salvamento acuático e socorrismo e triatlón, e promover a organización de eventos deportivos nacionais e/ou internacionais.

A achega económica financiará como máximo o 100% do importe do gasto total do programa subvencionado, co límite de 200.000,00 €, en base ás especiais razóns de interese público e social motivadas no expediente.

Segundo: Aprobar o gasto polo importe e con cargo á aplicación orzamentaria e operación do exercicio vixente que se indica:

Aplicación	Operación nº	Importe
05.3410.489.20	12023000050713	200.000,00 €
Total		200.000,00 €

Terceiro: Aprobar o texto da proposta de convenio regulador da subvención que se incorpora ao expediente, redactado por este servizo xestor (CSV JGRI03LQOT9PU1KN).

Así o manda e asina a concelleira da área de promoción da igualdade, do benestar, da saúde e da economía e da fe do acto o Secretario da Administración Municipal.

Pontevedra, na data que consta na sinatura electrónica

